

## ՀԱՅ ԺՈՂՈՎՐԴԻ ԱԶԱՏԱԳՐԱԿԱՆ ՊԱՅՔԱՐԻ ՄԱԴՐԱՍԻ ԴՐՈՇԱԿԱԿԻՐՆԵՐԻ

18-րդ դարի երկրորդ կիսում և 19-րդ դարի առաջին քառորդում հայկական ոչ մի գաղութում հայ ժողովրդի ազատագրության հրատապ հարցն այնքան մտքեր չի հուզել, որքան Հնդկասահնի Մադրաս քաղաքում: Այդ ժամանակաշրջանումն է, որ Մադրասի առաջադիմ, շրջանայց ու նշանավոր գործիչները հայ ժողովրդի ազատագրական շարժման խնդրում այնքան խոշոր դեր են խաղում: 18-րդ դարաշրջանի հայոց պատմության էջերում այդ գործիչներից փայլում են Հավսեփ Էմինի, Մովսես Բաղրամյանի և Շահամբր Սովորանում Շահամիրյանի անունները. քաղաքական առաջադիմ գաղափարներով տողարկած այս պայման դեմքերի շնորհի է, որ 18-րդ դարի երկրորդ կեսից Մադրասու դառնում է հայ ժողովրդի ազատագրական ու կուլտուրական շարժման խոշոր կենտրոններից մեկը: Մադրասում է, որ 18-րդ դարի վերջերին, 1794 թվականին, Տ. Հարություն քահանա Շմավոնյանի խմբագրությամբ, լույս է տեսնում Հայերեն առաջին թերթը՝ «Ազգարար»—ը, որի էջերում արձարծելի է սկսում հայ ժողովրդի ազատագրման գաղափարը: Այս թերթի հրապարակ գալը իր ժամանակին խոշոր երեսության էր հանդիսանում հայ հասարակական մտքի զարգացման տեսակետից: Նմանապես Մադրասում են հրատարակվում հայ ազատագրական պայքարին և ժողովրդական հանրապետության կանոնադրության նվիրված առաջին արժեքավոր գրքերը.—«Նոր տետրակ», որ կոչվ Յորդորակ» (1772 թ. Մադրաս) — Մովսես Բաղրամյանի և «Որդոքայր փառաց» — Շահամիր Շահամիրյանի: Հայ քաղաքական գրականության նվիրված այդ առաջին երկերում հեղինակները ձգտել են ժողովրդի մեջ գտալ պահել և հայրենասիրության, և՝ ազատագրության ոգին: Այդ նպատակով էլ տետրակները տարածվել են հայ ժողովրդի մեջ, ուղարկվել են նաև

պարսկահայ նշանավոր դեմքերին, Ղարաբաղի (Խամսայի) մելիքներին, Սիմեոն կաթողիկոսին և նովնիսկ վրաց Հերակլ թագավորին: Առհասարակ, Մադրասի հայ գործիչներին — թե՛ Շահամիրյանին, և թե՛ Բաղրամյանին — հուզել է մի միտք, մի ձգտում՝ սթափեցնել ժամանակի հայ երիտասարդներին դարավոր քնից, հրահրել նրանց հոգիներում ո՛չ միայն ազգային ինքնագիտակցության, հայրենասիրության ու ազատության ոգին, այլ և նվիրվածության զգացմունքը. իսկ նպատակը — ժամանել հայ ազատագրական պայքարի գրոշը և Հայաստանն ազատելով օտար տիրապետողների լծի տակից, վերականգնել նրա քաղաքական անկախությունը: Բայց դա պատճական մի երեսությ չէր, այլ ժամանակի հրամայական պահանչ: Դա այն պատմաշրջանն էր, երբ Մադրասի ու Կալկաթայի հայ առևտրականները, սկսած 18-րդ դարի առաջին կեսից, անտեսական խոշոր դեր էին խաղում Հնդկաստանի և Արևմտյան նվրոպայի առևտրական փոխարարերությունների ասպարեզում: Սակայն, նույն դարի երկրորդ կեսին Հնդկահայ առևտրականներն այլևս չեն դիմանում անգիտական մրցակցությանը. բրիտանական իշխանություններն ու կապիտալը հետզհետե շեզոփացնում են նրանց ու դուրս մղում առևտրական շուկաներից: Նման իրադրությունը դրդում է Հնդկահայ առևտրականներին ձգտել իրագործելու հայ պետության ստեղծման գաղափարը, որի իրականացումը նրանք կապում էին սուլթանական ու շահական լծից Հայաստանն ազատագրելու խնդրի հետ:

Բայց Մադրասի առաջադիմ մտավորականների գրքույկների հրատարակության դրդապատճառը միայն Հնդկահայերի անտեսական քայլացումը չէր, կար և հայ ժողովրդի քաղաքական ազատության հրատապ խընդիրը: Դա այն ժամանակաշրջանն էր, երբ

Հայ ժողովուրդը տառապում էր սովորական և շահական գերիշխանության բացարձակ կամայականությունների, բռնությունների ու Հարստահարությունների ներքո։ Հայ ժողովրդի Համար ստեղծված մուալլ իրականության և Հայաստանում տիրող ծանր դրության պատկերը տեսնում ենք մեր ձեռագիր մատյաններում։ Ժամանակի վաստակավոր գրիչներն իրենց ապրած պատմաշրջանն անվանում են «զառն ու դժնիայ», «աղետաբեր», «անբարի», «շար»։ Երանք իրենց ձեռագիրները գրել են «զառն և ամպրոպ խոռվութեան և անփարատելի տրտմութեան մէջ», «անանդորր ժամանակ», «գերովիեան կամ փախուտի ճամբին»։ Հատկանշական է և այն, որ 18-րդ դարի առաջին քառորդից սկսած Անդրկովկասի՝ Հայաստանի, Վրաստանի ու Աղբքաջանի ժողովուրդները իրենց աղատագրության միակ պաշտպան համարում են Ռուսաստանը և գտառում են վայելել նրա հովանավորությունը։ Այդ գաղափարով համակվում են Հայ ժողովրդի ազատագրական պարարի բոլոր փայլուն ղեկավարները, որոնց մեջ առաջին դրոշակակիրներից մեկը հանդիսանում է Խորայել Օրին, որը հրապարակ է իշխում 18-րդ դարի առաջին քառորդում։ Հանուն Հայ ժողովրդի ազատագրության, նաև Արևմտյան Եվրոպայի երկրներում շատ գահակալների դռներ է բաղնում, բայց ոչ մի օգնություն չի ստանում։ Հիմաթափված Արևմտյան Եվրոպայի գահակալների անտարբեր ու անբարյացակամ վերաբերմունքից, 1701 թվականին Խորայել Օրին հայերի անունից մի դիմում է ներկայացնում ոռուաց կայսր Պետրոս Մեծին, խնդրելով, որ ապահովի ստրկական պայմաններում տառապող Հայ ժողովրդի և Հայաստանի ազատագրումը պարսկական լծից։ Կայսրը առաջ է քաշում Հայաստանի ազատագրության ու Հայկական պետության կազմակերպման հարցը։ Պետրոս Մեծը խոստանում է ո՛չ միայն օգնել Հայ ժողովրդին իր ազատագրական արդար պայքարում, այլ և իր հովանավորության տակ վերցնել նրան։ 1723 թվականի հունիս 3-ին էլ հրատարակվում է Պետրոս Մեծի հրովարտակը, որով նա խոստանում էր հովանավորել Հայ ժողովրդին՝ ազատելով վերջինիս ստար բռնակալների լծից։ Այս ակտով ոչ միայն ամրապնդվում են Հայ-ուստ քաղաքական կապերը, այլև Հայ ժողովրդի կյանքում և քաղաքական պայքարի մի նոր շրջան։ Բնորոշ է և այն, որ Պետրոս Մեծի արշավանքների շրջանում Հայերը, վրացիների հետ միասին, պաշտպանվում են օսմանցիների, լեզգիների և պարսիկ խանների հարձակումներից ու միաժամանակ Սյունիքում

և Հարաբաղում ծածանվում է ժողովրդապատագարական պայքարի դրոշը։

Նույն երեսույթը տեսնում ենք Եկատերինա Բ կայսրուհու օրոք, որը իր քաղաքական ծրագրերի իրագործման համար Դրիմի Հայերին դաղթեցնում է Գոնի Ռուսակի շրջակայրը և 1781 թվականին այստեղ հիմնում նոր Նախիչևան քաղաքը։ Կայսրուհու թույլտվությամբ Ռուսաստան են գաղթում շատ հայեր նաև Բեսաբարիալից, Մուսիմիայից և Բուրգովինիայից։ Նոր-Նախիչևանից բացի Դնեպրի ավազանում հիմնվում է զուտ հայաբնակ Գրիգորիովուլ քաղաքը։ Նույն շրջանում էլ հետզհետե կազմավորվում է նոր Սոգովիկի, Ղզլարի և Աստրախանի հայ գաղութները։ Այսպիսով Հայ ժողովրդի համար սկսվում է զարգացման մի նոր շրջան։

Այսպես էր պատկերը նաև 18-րդ դարի վերջերում։ Այդ ժամանակաշրջանում նորից առաջ է քաշկում պարսկա-թուրքական լծի տառ տառապող Հայաստանը, Մեծն Ռուսաստանի օգնությամբ, ազատագրելու հարցը։

Այնուհետև Հայ-ուստական քաղաքական հարաբերությունները նոր փայլ են ստանում 19-րդ դարի սկզբներին։ Դա այն պատմաշրջանն էր, երբ ոռու բանակը վերսկսել էր արշակել գեղի Անդրկովկաս։ Ռուսական բանակի առաջխաղացումը ազատագրական շարժման ողի է մտցնում նաև գաղութահայության մեջ։ Թերեւս դրանով էլ պիտի բացարել, որ ոռու ժողովրդի օգնությանը դիմելու և Հայերի ազատագրությունը Մեծ Ռուսաստանի հետ կապելու փաստական ցայտուն տվյալներ գտնում ենք նաև Հնդկահայ գաղութի 19-րդ դարի առաջին շրջանի գրականության մեջ։

Դրանցից էականը 1806 թվականին Մադրասում, շիրազցի Տ. Հարություն քահանա Շմավոնյանի տպարանում, տպված «Անցիկան գրքեմ» խորագրով գրքույկն է։ 29 էջից բաղկացած պարզ և անպաճույզ մի տետրակ է դա, որ իր բովանդակությամբ տալիս է Մադրասի հայ հասարակության 43-րդ և 44-րդ պատմական ժողովների արձանագրությանց պատկերը։ Այդ ժողովներում հանդիս են գալիս 18-րդ դարի վերջին շրջանում և 19-րդ դարի առաջին քառորդում Մադրասում ապրող և Հայ ժողովրդի ազատագրության վեհ գաղափարով տոպորված ժամանակի պայծառ գեմքերը, որոնց մեջ ամենից առաջ տեսնում ենք Հայ անդրանիկ լրագրի հիմնադիր՝ Տ. Հարություն քահանա Շմավոնյանի կուտուրական մի փայլուն գործի, որի աղնիվ սիրտը բարախում էր միայն Հայ ժողովրդի ազատագրության համար։ Շմավոնյա-

նը շափազանց հեռատես լինելով, հայ ժողովրդի շերմ պաշտպան համարում է ոռու ազնիվ և վեհանձն ժողովրդին և գտնում է, որ Հայաստանի պատագրության հարցը պիտի կապել Մեծ Ռուսաստանի հետ։ Հատկանշական է և այն, որ Մադրասի մյուս հայ հայրենասերները ևս պաշտպանում են նույն տեսակի տրությունը։ Ընդհանուր առմամբ, 1806 թվականին հրատարակված սույն գրքույկը մադրասարնակ հայ հայրենասերների գործունեության ցայտում մի էջը պատկերող կարեւորագույն վակերագրերից մեկն է, որն իր մեջ բովանդակում է հասարակական ու քաղաքական ուրույն արժեք ներկայացնող ուշագրավ կետեր։ Դրանցից էականն այն պարզաբանությունն է, թե ինչո՞ւ պիտի արագացնել Հայաստանի ու հայ ժողովրդի պատագրությունն օտար լծից։ 1805 թվի նոյեմբերի 17-ին Մադրասում կայացած պատմական ժողովին մասնակցող հայրենասերներից նազար Հակոբշան Շամիրյանն իր արտասանած ճառով ընդդժում է պատճառներից կարևորը։ Նա տիսուր սրտով արձանագրում է այն փաստը, որ հայ ժողովրդով 500 տարվա ընթացքում ապրում է քաղաքական-տեսական ամենածանր պայմաններում, բայց միաժամանակ իր անսահման ուրախությունն է արտահայտում, որ հայության մի զգալի մասը օօրնեալ Ռուսաստանի օգնությամբ փրկվելով ասիսկան բռնակալության դարավոր ստրկությունից և տառապանքներից, մտել է պատմական նոր հոգի մեջ։ Ահա թե ինչպիսի գույներով է պատկերում նա հայ ժողովրդի անցյալի տիսուր վիճակը, միաժամանակ ընդդժելով Ռուսաստանի պատմական դերը հայ ժողովրդի մի ստվար հատվածի պատագրական գործում։

— Քանզի տում և աշխարհն մեր, — ճառում է Շամիրյանը, — միշոց իր հինգ հարիւր ամ ժամանակաւ մաշեալ ի ներքոյ սրոյ և ոտից անհաստատ տէրութեանց և այլակրօնից, մեք և բիրաւորք յազգակցաց մերոց և արինակցաց վարեալք ի պէս-պէս գերութիւնս և պանդիմութիւնս, նուազեալք և օրըստօրէ պակասեալք, ոմանք զո՞ւ անկանելով անբնական և օտար տարերաց, և ոմանք ճնշեալք ի ներքոյ անտանելի խստութեանց և անազատութեանց, մեք և աշխարհ մեր ասեմ, որ յաէտ յուսահատութեան տրխութիւն քան թէ վերականգնման նպատակ ունէաք առաջի աշացի աշաց, այժմ արժանատորեցաք (յայսմիկ և եթ բախտաւորագոյնք քան ըգնախնիս մեր) առանց ինդրոյ և ակնկալութեան մերոյ տեսանել զողորմածագոյն ձեռ ամենամեծ կայսերութեան օօրնեալ Ռուսաստանու ամենաողորմածաբար կարկառեալ

առ փրկութիւն և ազատութիւն մեր («Անց կամ գործ» 1806 թ., Մադրաս, էջ 5):

Մի հանգամանք պարզ է, որ Մադրասի առաջազլոր և հայրենասեր գործիչներին հուզում է այն ծանր վիճակը, որի մեջ գտնվում էր հայ ժողովրդը, բայց և միաժամանակ նրանց սրտերը բարախում են նրա ազատագրության բարձր գացումներով։ Ապրում են նրանք հայության ցավերով ու նրա ազատության համար ծրագրեր մշակում։ Նրանք դիտեն նաև Ռուսաստանի հզորացման մասին։ Ահա թե ինչո՞ւ նրանք հայ ժողովրդի պատագրական պայքարի էությունը վերլուծելիս, Հովսեփ էմինի, Շահամիր Շահամիրյանի և Մովսես Բաղրամյանի նման, հայության օտար զծից փրկելու գործում մեծ տեղ են տալիս Ռուսաստանին, Վրաստանին։ Դտնում են, որ Հայաստանը կարող է պատագրվել միայն ուստ ազնիվ ժողովրդի օգնությամբ։ Նրանք հայ ժողովրդի միակ պատարար և փրկարար համարում են Ռուսաստանին։ Գտնում են, որ նա՛ կարող է ստեղծել անկախ Հայաստանը։ Վերջապես նրանք գտնում են, որ Ռուսաստանի հովանավորությամբ և հայությական ժողովրդների եղբայրական միությամբ ու վրաց թագավոր Հերակլ Բ-ի գիշավորությամբ կիրականանա հայ ժողովրդի վերջնական ազատագրությունը։ Ահա այս է մադրասարնակ հայ գործիչների մըտայնության հիմնական կետերից մեկը և ամենից կարևորը։ Հենց այս ուղղությամբ էլ նրանք արտահայտվում են՝ ժողովում։ Այս տեսակետից առանձնապես բնորոշ են ժողովի նախագահ Նազար Հակոբշան Շամիրյանի արտահայտած ժամանելու ։ Նա ավելի խորացնելով իր տեսակետը, ավելացնում է.

— Այժմ տեսանելով և լսելով ազատ և փառաւոր կենցաղավարութիւն քաղաքակցաց մերոց և եղբարաց ի ներքոյ սբանչելի բարեկարգութեան կայսերութեանն Մեծին Ռուսաստանու, արքանաւորս ի նորանէ յարգեալ և պաշտօնաւորակ փշխանական պատուաւ և աստիճանաւ («Անց կամ գործ» 1806 թ., Մադրաս, էջ 7):

Ռուսաստանի հովանավորության ներքոյ գտնվող հայ ժողովրդի ազատությունն ու երջանկությունն անսահման ուրախությունն է պատճառում Մադրասի ազգասեր հայերին։ Ահա թե ինչու նախագահ Ն. Շամիրյանը ժողովում առաջարկում է խորին երախտագիտական զգացումներով լի շնորհակալության թուղթ գրել «մարդասէր» և «օօրնեալ» Ռուսաստանին։ Նա բարոյական պարտականություն է համարում այդ խնդիրը դնել ժողովում, որովհետև գտնում է, թե 1) մեծահոգի Ռուսաստանի շնորհիվ է, որ հայ ժողո-

վորդն ապրում է հաճախտովթյան և բարօրության մեջ և 2) նա է հայության ազատին ու բարերարը:

— Եվ արդ յայսցանէ հաւաքելի է, — ճառում է ժողովի նախագահը, — թէ մեր ժողովեալքս աստ բարեկէս տեղեակ եմք մեծառոփութեան և ողորմածագոյն դիտման օրնեալ կայսերութեան և մարդասէր կայսերն Ռուսաստանու յատկապէս առ ազգ և աշխարհն մեր, տեղեակ եմք և խելամուտ հանգստութեան և բարօրութեան ազգակցաց մերոց ենթ Աստուածապահ կայսերութեան նոցին, լի եմք ամեն յարգանօք և երախտադիտութեամբ առ այս ազատիշ և բարերար մեր. և վասն այնորիկ ժողովեալ եմք նախ սակս միմիանց հազորդելոյ և միհաբան ուրախանալոյ ի վերայ պատճառի խնդրութեան և երջանկութեան մերոյ, և ապա խորհելոյ զյարձարութենէ կերպին հեղոյ արտաք զհեղեղ երախտագիտութեան սրտից մերոց առ ոստ ամենապայծառ կայսերութեանն («Անցք կամ գործք» 1806թ., Մադրաս, էջ 8):

Ժողովի ղեկավար Նազար Շամիրյանը առաջարկված խնդրի կարեւորությունը, վեհությունն ու լրջությունը նկատի առնելով «խոնարհաբար հայցում է» ժողովականներին; որ Ռուսաստանի կայսեր երախտագիտության թուղթ գրելու հարցի մասին յուրաքանչյուրն առաջապէս արտահայտե իր կարծիքը: Ավելի հատկանշականն այն է, որ նա հավատարիմ մնալով ժամանակի կրնական ոգուն, «սրբակրօն հարց» առաջարկում է աղթքով խնդրել Տիրողից, որ ժողովականներին «արժանաւորութիւն» շնորհե, որպեսզի նըրանք ավելի լուրջ խորհեն և առաջարկեն այն, որ առավել «վայելուց» է և գրուրովին հաճելիք: Աղոթքն արտասանում է հայ անդրանիկ լրագրի հիմնադիր Տ. Հարություն քահանա Շմավոնյանը: Թուրոր ժողովականներն ուրքի են կանգնում և ահա բարեկրոն քահանայի շրթերը մրմնջում են.

— ...Ինձ այսպէս երեմի զի այս ժողով ձեր լԱստծուատ է և ընկերակից է մեզ Քրիստոս, ուրեմն խնդրեմ առ հասարակ ամեներեանդ ասելով գտէրունական աղօթք՝ խնդրեց յէք յամենակալէն Աստծոյ երկայն կեանս և յաղթութիւն ամենամեծ կայսերն Աղեքսանդրի պաշտպանին և ողորմածին ազգին և աշխարհին մերոյ. և մեզ զշնորհ հոգւրյն սրբոյ, զի նա տացէ մեզ բերան և իմաստութիւն ի առաջադիր և խօսել ըստ հաճոյից իւրոց, օրնեալ էք և օրնեալ լինիք, ամէն («Անցք կամ գործք» 1806թ., Մադրաս, էջ 9):

Այնուհետև բոլոր ժողովականներն էլ առանձին-առանձին և տարբեր ոճերով հայտնում են իրենց կարծիքները: Մադրասի քահանաներից խոսում է նաև Տ. Թադեոս Տեր-

Անդրեասյանը, որ նույնպես կանք է առնում ամենամեծ կայսերութեան» հայ ժողովրդի հանդեպ ցուց տված անօրինակ բարերարության վրա: Հերթական կարգով արտահայտվում են նաև Մադրասի հայության ժամանակի առաջավագործություն գործություններից Մանուկ Հակոբջանը, Հակոբ Հարությունը, Գրիգոր Մամյանը, Ավետ Սեթյանը, Վարդան Գասպարյանը, Սեթ Մամյանը և ուղիղներ: Բոլորն էլ սրտագին ողջունում են ոռուական դրոշակի հաղթանակը, գտնելով, որ ուս ժողովրդի հետ ստեղծած անխորտակելի բարեկամությունն այն միակ ուժն է, որի օգնությամբ հայ ժողովուրդը կարող է թոթափել բռնության, խավարի և ստրկության շղթաները ու հասնել իր քաղաքական ազատությանը:

Հատկանշական են «աշխարհատես» և «փորձառուած Մարդկար Բարումնի արտահայտած մտքերը: Խոսում է նա պատմական տվյալներով և առանձնացիս ընդգծում այն վնասամքն» ու ողորմածությունը, որ հայ ժողովրդի հանդեպ մարդասիրաբար ցուց են տվել Պետրոս Մեծը, Եկատերինա կայսրութիւն և Աղեքսանդր կայսրը: Անդրադառնում է նաև երկու հարեւան եղբայրակից ժողովը ների-հայերի ու վրացիների բարեբական հարաբերություններին:

Արտահայտվելու համար կրկին ձախն է խնդրում հայ լրագրության առաջին դրոշակակիր Տ. Հարություն քահանա Շմավոնյանը: Խոսում է նա կարճ, բայց բովանդակալից: Նա նորից է շեշտում, որ հայ ժողովրդի միակ շեմ պաշտպանը Մեծն Ռուսաստանն է: Նրա արտահայտած մտքերի մասին ավելի ցալտուն գաղափար տալու համար այստեղ ամբողջությամբ առաջ ենք բերում նրա ճառը ճառը, որ բնորոշում է նաև նրա քաղաքական աշխարհայացքի էությունը:

— Առ այս ոչ ինչ ունիմք դարձեալ խորհել, մինչ տեսանեմք արդէն զի քան զարեգակն պայծառ է զշնորհ և զգթութիւն ամենաողորմած կայսերն Ռուսաց առ ազգս մեր, վկայ են մեզ բովանդակ բարերարութիւնք նոցին առ ազգս Հայոց, որ ի նորն նախիջեան և ի Գրիգորիոսոլ, գերափայլ պատիւ որով Հոգելոյս Յովսէփ կաթողիկոսին մեծարեաց ի պարծանս ազգի մերոյ, և այժմ զոր առնէ եպիսկոպոսաց Հայոց, և յատկապէս շնորհաւորմաբն Մերքազան Դանիէլ կաթողիկոսին, մանաւանդ ներկայ իշխանաւան Աշդարխանու, որ կենդանի է և թուն Աւան իշխանին Տեառն Խաչամոյ տանն աղուանից Հայոց, որ այժմ Շուշի ասի, և միաւ եղբայրն որ է Տէր կամ Լարդ Ղզարու: Եվ այժմ զոր լսեմք հաւատարիմ արանց գրեցելովք զի զբարձր

բազով իւր տարածեալ է ի հովանաւորութիւն և ի փրկութիւն տանն Հայոց: Ոմիմք մեք բազում օրինակս աղքասիրաց և մարդասիրաց, որք գործովլը իւրեանց հաճու եղեն Աստծոյ և արժանի յակիտենական յիշատակութեան, այլ բազումք ի սոցանէ միայն ազգասէրք Ծոկ զազգս իւրեանց սիրէին և փրկութիւն նոցա միայն շանաւին որպէս յայտ է վերծանողաց: Բայց սա օգոստափառ կայսերն մեր մարդասէր՝ ոչ գոլով յազգէ Հայոց, սիրէ զազգն մեր, և փրկիչ և առաքեալ երկի վասն մեր, վասն որոյ տուք ինձ համարձակութիւն առաջի յարգութեան ձերոյ ասել ոչ միայն խոկալի և երախտափիտեի՝ այլև տօնելի է ամենայաղթ կայսրն Ռուսաց, և մեզ յատովկ պարտականութիւն է դիմել ամենակատար սըրտիւ առ Արարիչն ամենայնի Աստուած սակս բարի աշողութեան և երկան կենաց, ամենապայծառ կայսերն մերոյ ներկայ պայծառացոցչի սրբոյ եկեղեցոցն մերոց, և այսպէս որպէս սկզբան ասացի ոչ երկրայիմ զի այս ժողով ձեր իցէ Աստծուստ և հոգով, որ տալոցէ ձեզ խորհել և խօսել ըստ այնմ թէ նա տացէ ձեզ բերան և իմաստութիւն: Ուրեմն Համարձակիմ առարկել զի ող միայն երախտափիտել է արժան՝ այլև աղերսախառն և հայցուածքն գրով մատուցանել զայն առ լուս աթոռոյ ամենաբարձր և անպարտելի Տէրութեան նորա... արժանաւոր անձինս առաքելով ի դիմաց հասարակութեանս մերոյ («Անցք կամ գործք», էջ 10, Մադրա 1806թ.):

Արտասանված ճառերից և մտքերի փոխանակությունից հետո օրակարգում դրվում է երկու գործնական առաջարկ. առաջինը՝ երախտափիտեան և շնորհակալության մի թուղթ մատուցել «անպարտելի Տէրութեան» Ռուսաստանի և երկրորդ՝ նորին Բարձրության համար մի վայելուշ ընծա պատրաստել: Նվերի ընտառության ինքում ժողովա-

կանները երեք տարբեր կարծէք են հայտնում:

1. Նվերել ընտիր և հազվագյուտ ապրանք Հնդկաց աշխարհի:

2. Երախտափիտության մի արձան կանգնեցնել Նոր-Նախահանում և Գրիգորիովություն գաղաքում:


3. Կալկաթայի և Բոմբեի հայության և ժողովի հրավիրել և նրանց «միաբանութեամբ» ավելի «արժանաւոր ու վայելուշ ընծա ուղարկել:

Այնուհետև ժողովում մի նոր հարց է առաջդրվում: —ի՞նչ ձևով ուղարկել ընծան և երախտափիտության թուղթը «մեծանոշակ կայսեր»: Այս հարցի նկատմամբ հետաքրքիր է Գրիգոր Սամյանի պաշտպանած տեսակետը: Նա առաջարկում է ընծան և պաշտոնական գրությունն ուղարկել կայսեր շատ զգուշ ձևով, որպեսզի ըստանովի օսմանցիների կամ պարսիկների գերիշանության ներքո ապրող հայ ժողովովի գրությունը: Այս էական հարցի շուրջ ևս լինում են տարբեր առաջարկություններ:

1. Գրությունն ու ընծան հասցնել Ռուսաստանի թեմի առաջնորդ S. Եփրեմ Արքեպահսկոպոսին և նշանավոր հայեր Մինաս ու Հովհակիմ Եղիազարյաններին, խնդրելով, որ նրանք օիպատեհ ժամու և վայելուշ կերպիւ մատուցանեն նորին Կայսերության:

2. Բրիտանական դեսպանի միջոցով մատուցել:

3. Հատուկ մի անձի միջոցով ուղարկել: Անցնում է առաջին առաջարկությունը: Այնուհետև 1806 թվի հունվար 28-ին Վարդան Գասպարյանի տանը տեղի է ունենում մի նոր ժողով, ուր հուսնկայս կարգացվում է երախտափիտության զգացմունքներ արտահայտող թուղթը: Ապա ժողովին ներկա հղողները նորից կարգում են առանձին-առանձին և ստորագրում: Պարզորոշ գաղափար տալու



S. Հարուրյուն Քահանա Շմավոնյան

Համար պատմական արդ գրավիյան բովանդակության մասին, այսուղ առաջ հնք բերում այն ամբողջությամբ, որ ներկայացնում է հետեւյալ պատկերը.

**ՔՐԻՍՏՈՆԱԳՈՒՅԱՆ** և օգոստափառ Աղեք ՍԱՆԴՐԻ. Աստուածահզօր ԿԱՅՍԵՐ ՄԱԾԻՆ ՌԵՊԱՍՏՈՎԱՆՈՒ, և միանգամայն բազում և զանազան շիւսիական իշխանութեանց և պետորեաց միահեծան ԽՆՔՆԱԿԱԼԻՒՆ:

Յատկապիս անտիրացեալ Ազգիս և Աշխարհին Հայոց ողորմած և բարերաց այցելուի և պաշտպանի օգոստափառ մեծութեան, ի ծունգու յարգանց մասին իշխանութեան՝ գոհունակութեան՝ և երախտազիտութեան խոնարհեալ՝ հնազանդարաց մատուցումն:

Ազգս Հայոց որ ի վերին տեսչութենէ՝ անխնամացեալ՝ կորուսաք զթագաւորութիւն մեր, ի բնուութինէ օտարաց տարագրեցաք ի յատենամարաս հայրենինց մերոց, բայց՝ ոչ իսպառ լրեալ թողեալ զմեկ ձեռն ամենակալին՝ բաժինս որոշեաց Հոգին Տեառն. և ժողովս ժողովս ի վտարելոցս փախադրեաց ի Աստուածապահ տէրութիւնս ձեր, որ յանձնանձեցան իննամարկեցան ի գերաշխարհիկ բարերարութիւնն Աստուածազօր կայսերացդ՝ առամել բարօրութեամբ՝ քան ի բնիկ թագաւորութեանս մերում, և ժողովս ժողովս մեկնեաց ի սահմանս Հնդկաստանու, ի կալուածս մեծափառ ազգին մեծին Բրիտանիոյ, որ Հովուեմք ի հանդորրու, և պահպանիմք ի բարերար խնամս ամենազօր տէրութեանց իւրեանց, իսկ մնացելոցն բազմութեան ի սեփական աշխարհին, ի ճնշմունս օտարագրաց, անցուցանելով ի հուր և ի ջուր նեղութեան՝ սահման եղ ժամանակի սահմանին ժամանակաց՝ հանելոյ ի հանդիսա, որոյ զլրումն և զկատարած տեսանեմք աշա աշօք բացօք եկեալ հասեալ առ մեզ օգնութիւն ի Տեառնէ, և ծագեալ մեզ եղջեր փրկութեան ի Տանէ Գաւթի սիրելոյ իւրոյ: Այս է, ի Տիրահաստատ ի յարփիափայլ գաճէ, յափուենական յիշատակութեան արժանի Մեծի կայսերն ՊԵՏՐՈՍԻ, որոյ ի խնամոցն Աստուծոյ սկզբնավորեան ողորմութիւն առ անկեալ ազգս մեր բազմապատկօրէն օրսատօրէ տարածեցաւ ի մեզ ի յարժանաժառանդ յաջորդաց նորին երանելոյն, իսկ՝ առ երանաւէտ ժամանակաւ ամենամեծի և անյաղթի ԿԱՅՍԵՐԻ մերոյ՝ ծագեցաւ մեզ արեգակն ի բարձանց՝ առողջութեան ամենաբարձր քոյ կարողութեան՝ պանծամք Տեառնդ մերոյ մեծի անուամբ՝ ամեն մտերմութեամբ և խնարհամիտ սիրով:

Քոյդ Ամենաբարձր Կայսերական հայտարիմ Պերենուրեան Ամենախոնարի ծառայ, և հայտարիմ

«Մին վայելու և յարմար թուղթ և գրում են Վրաստանի մայրաքաղաքի՝ Թիֆլիսի իշխանին: Դա ցուց է տալիս, որ Մադրասի հայ հայրենասերները հատուկ հարգանք են ոմնեցել նաև գեպի Հերակլը: Դա ցուց է տա-

լաշխարհս մեր, ոստի և մեզ հանդերձեցաւ ձանապահը եկանել ընդ առաջ Քրիստոսապըս սակ ԿԱՅՍԵՐԻ մերոյ եկելոյ ի փրկութիւն մեր՝ խոնարհական և աղերսական թղթովս. ազգ միահամուռ և համախումբ, օրհնելով զգալուստ ամենամեծի անուան՝ և անյաղթի Եկրութեան քոյ յաշխարհս մեր, միանգամայն և զանբաւելի երախտեաց՝ և Աստուածագործ բարերարութեանցն ձերոց առ ազգս մեր, ոի հերուն հետէ առ ի մեզ միերեալն բան գոհաբանական և շնորհակալութեան, ծօնել մատուցանել առաջի փրկողիդ մերոյ ԿԱՅՍԵՐԻ: Եվս՝ և զաղերս համօրէն ազգիս զնել առ ոստ Տեառնդ մերոյ, և հայցի՝ որպէսի Աստուածագութ սիրով շարժեացիս ի մեզ յողորմածութիւն, գրել զազգս մեր ի ժողովորդ քոյ ստրով սրով զիկոր անկեալն մեր զլով՝ կարացուք համբառնալ յամէն ուրեք, և խրախոյս բառնալ յանուն ամենայղթի ԿԱՅՍԵՐԻ մերոյ սրով և արժանացուք թերեալ վերստին վայելել զբաղցրութիւն հայրենինց մերոց ընդ ստմենաբաղցը լծով ծառայութեան ձերոյ. ուրանօր համախմբեալք ազգովին՝ միաբանութեամբ հանցուք զօրհնութիմ վերնական խնամոցն պարզողին մեզ զիկութիւն, և հայցեսցուք ի նոյն Աստուած՝ պիտական է երկարութիւն կենաց՝ մշտնշենաւրութիւն անխնարհելի բարձրութեան՝ երանական փառաց և ամենայղթ զօրութեան՝ ողորմածի և բարերարի ԿԱՅՍԵՐԻ մերոյ:

Որ և արդ՝ նոյն սիրալի յուտով յանձն եղեալ մեր ի խնամողական պահպանութիւն ամենաբարձր քոյ կարողութեան՝ պանծամք Տեառնդ մերոյ մեծի անուամբ՝ ամեն մտերմութեամբ և խնարհամիտ սիրով:

Միս և այն, որ նրանք հայ ժողովրդի բախտը կապել են նաև հարեւան վրաց ժողովրդի բախտի հետ: Նրանք խորապես ըմբռնել են, որ երկու բախտակից ժողովուրդները պիտի միանան, միասնական ուղժ կազմեն, որպէս-

զի ազատվելով օտար լծից, պահպանեն ի-  
րենց անկախությունը, Դա անհրաժեշտ էր,  
երբ Մեծ Ռուսաստանն իր վրա էր վերցնում  
Վրաստանի ու Հայաստանի հովանավորու-

Մեծի և Գերազայցան իՇԽԱՆԻ, և հաջայալը Զօրավետի Ամենաբարձր կայսերա-  
քանան Նեծին Ռուսաստանու, որ ի Թփիս.

Յատկապէս բարերարի և խնամակալի

թյունը: Այդ կապակցությամբ էլ անշափ հե-  
տաքրքիր է Մադրասի հայ հայրենասերների  
գործունը ուղղված Հերակլ թագավորին, որ  
բերում ենք ստորեւ:

Յայտ իսկ է ձերումդ մեծութեան՝ անտի-  
րացեալ ազգիս մերոյ վտարանդութիւն և  
բազմապիսի վիշտք ի յօտարազգաց բռնա-  
տութենէ, միանգամայն և ի խնամոցն Աս-  
տուծոյ ողորմածութիւն ամենաբարի Ազգին  
Ռուսաց առ անկեալ ազգս մեր, որ ընդ ամեն  
ժամանակս գրեթէ տարածեալ ունելով  
զբաղուկ ընկալան ի գիրկս որք ան-  
կանն առ ողորմածութիւն իւրեանց, և  
Աստուծածագութ սիրով խնամարկեցին,  
ժամանանդ՝ ի ժամանակէ անտի մե-  
ծին ՊԵՏՐՈՒՌ, այն՝ որոյ յիշատակն է  
անմահ, որ ոչ միայն խնամածելոյ առ մեզ  
եղաւ սկզբնաւրիշ. այլև սկզբնապատճառ  
համօրէն ազգիս փրկութեան, ի ձեռն Ար-  
քիափայլ շառափղաց իւրոց՝ Աստուծածապահ  
գահին իւրոյ ժառանգորդաց:

Սա է հզրացեալն բարձրելոյն աջով, նա-  
խագահն ի միեզերակալս աշխարհի ԱՂՔ-  
ՍԱՆԴԻ Քրիստոսապատակ կայսեր մեր, որ ի  
վերին ակնարկութենէ առաքեաց զանպար-  
տելի և զօր պետութիւն քո յաշխարհ մեր,  
որով զփրկութիւն բոլորի ազգիս՝ աներկեան  
մինել հաւատամք, քանզի ձեր ողորմածացդէ  
գթալ ի վերայ անկելոյ ազգիս, ձեր հզօ-  
րացդ՝ զօրացուցանել զլքեալ ձեռն մեր, և ձեզ  
տիրողացդ է տիրել անտերունչ ազգիս, վե-  
րահաստատելով և սեփհականելով մեզ փըր-

կութիւն և խաղաղութիւն ի հայրենիս մեր:  
Այս ուրախալի յուավով, և սքանչելի երևմամբ  
փրկութեան մերոյ՝ քաջալերեալ գտկարութիւն  
մեր՝ կանխեցաք առ ուստ Տեառն մերոյ կայ-  
սեր՝ անձնանուէր գրով, ի հեռաւորութենէ աս-  
տի խոնարհեցուցեալ զպարանոց ազգիս՝ մա-  
տուցաք առ անբան մեր ընկալեալ բարերա-  
րութիւն զգոհարանական և զշնորհ ընկալու-  
թեանն մերոյ բան՝ պատարագ անկարուի  
մեծութեան իւրոյ, օրհնելով զգալուատ ան-  
յաղթելի տէրութեան և ամենամեծի՝ ա-  
նուան իւրոյ յաշխարհ մեր ի փրկութիւն մեզ  
—սմին իրի և առ տէրսւթիւնդ մեր և իշխան՝  
ընդառաջեալ այսու գրութեամբ՝ վերապա-  
տումք զվեհայփառ իշխանութիւն քոյ, զոր  
Տէր Աստուածն մշտնչենաւորս արասցէ ան-  
յաղթելի զօրութեամբ, ի շինութիւն աշխար-  
հաց և ի փրկութիւն Ազգիս Հայոց: Ընդ այս  
սակաւամասնեայ բանի՝ խոնարհութեան մե-  
րոյ նուիրի՝ և զաղերս առ աէրութիւնդ մեր  
արկանեմք գթութեամբ հայիլ ազգ մեր նե-  
ղեալ նուազեալ տարածելով զձենն ողոր-  
մածութեան ձերոյ ի պահպանութիւն նոցին,  
քանզի ձերեմք և մեք՝ որք տիրէք աշխարհի,  
պարծանք և պահպանիշք Քրիստոնէութեանս  
կրօնի: Ուստի և մեք մնամք պանծալով յա-  
նուն ամենաբարձր Կայսերութեան Մեծին  
Ռուսաստանու, և

Քոյդ Մեծի իշխանութեան հաւատարիմ ամենախոնակի ծառայք

Տէր Յարութիւն Շամանեան Մագր ասիս Հայոց Ասագ Քահանայ

Տէր Թաղէս Տէր-Անդրէսեան

(և ուրիշ 33 ստորագրություններ):

Ահա այս ամբողջ նյութերն իրենց արտա-  
ցոլումն են գտել «Անցք կամ գործք» գրքույ-  
կում, որն իր բովանդակությամբ Մադրասի  
հայ հայրենասերների հասարակական զոր-  
ծունեության ցայտուն մի էջը պատկերող  
թանկագին փաստաթուղթ է հանդիսանում:

Մնում է պարզել, թե ինչպիսի կարևոր ե-  
րեւութիւններ են լուսարանում պատմական այս  
գրքույկում եղած զլիսավոր նյութերը:

1. Ամենից առաջ պարզում են 18-րդ դա-  
րի վերջում և 19-րդ դարի առաջին քառոր-  
դում Հնդկաստանի Մադրաս քաղաքում ապ-  
րոլ հասարակական առաջադեմ գործիչների  
գերը հայ ժողովրդի պատարագական պայ-  
քարում, պատկերելով նրանց հայրենասերա-

կան անկեղծ գործունեության ցայտում մի  
էջը:

2. Ընդգծում են, որ մեզնից 141 տարի ա-  
ռաջ հեռավոր Հնդկաստանի Մադրաս քաղա-  
քում կենտրոնացած փոքրաթիվ հայերի ա-  
ռաջալոր մտավորականները հանդես են եկել  
իր ժամանակի քաղաքական առաջադեմ ի-  
դեալներով և ամբողջապես համակվել հայ  
ժողովրդի պատարագական շարժման վեհ զա-  
ղափարով, միաժամանակ բարձր գեահատե-  
լով նրա փրկության ու պաշտպանության  
հարցը և առանձին հետաքրքրություն ցուցա-  
բերելով ասիսական ստրկության մեջ գտնվող  
Հայաստանի հանդեպ:

3. Գրքույկում հանդիպում ենք նաև ցայ-

տում փաստերի՝ հայ ժողովրդի համար այն ժամանակները ստեղծված ծանր կոշմարային պայմանների և մոայլ իրականության մասին։ Տեսնում ենք օտար բռնակալների բացարձակ կամայականությունների ու բռնությունների պատկերը։

4. Գրբուկում, թեև շատ սեղմ կերպով, ընդգծված է նաև օմանյան ու պարսկական կենտրոնական իշխանությանց աստիճանական թուզացումը և Ռուսաստանի գերիշխանության ծագմումը։

5. Ավելի ուշագրավն այն է, որ Մադրասի հայ հայրենասերները խորապես ըմբռնել են, թե հայ ժողովուրդը կանգնած է ֆիզիկական բնաշնչման վատանքի առջև, իսկ նրա փրկությունը տեսել են միայն ու միայն Ռուսաստանի հաղթանակի և օգնության մեջ։ Նրանք եկել են այն եղրակացության, որ օմանյան սուլթանական և պարսկական շահական լծի տակ ապրող հայության ազատագրությունը կարող է իրագործել միայն Մեծ Ռուսաստանը և միաժամանակ խորապես համոզված են եղել, որ հայերը խաղաղ ու երջանիկ պայմաններում ապրել կարող են միայն Ռուսաստանի հովանավորության ներքո։

6. Առանձին ուշագրության արժանի է նաև Մադրասի հայ պատասերների դիմումը Վրաց Հերակլ թագավորին։ Դա նշանակում է որ նրանք հայ ժողովրդի բախտը կապել են հարևան վրաց ժողովրդի բախտի հետ։ Նրանց կարծիքով հայ ժողովրդի երջանկությունը դրացի ժողովրդների հետ միասնություն ստեղծելու մեջ է։ Այս կապակցությամբ էլ անշափ հետաքրքիր է Մադրասի հայ հայրենասերների 1806 թվականին գրած նամակը՝ ուղղված Հերակլ թագավորին։

7. Բնորոշ է և այն, որ Մադրասի հայ դործիչները՝ ոչ միայն հայ, այլև վրաց ժողովրդի փեկությունը սպասել են Ռուսաստանից։

8. Հատկանշական է նաև, որ Մադրասի առաջարկեմ հայ խմբի կենտրոնական դեմքերից մեկն է հանդիսացել Տ. Հարություն քահանա Շմավոնյանը, առաջին հայ լրագրի՝ «Ազգագրաց»-ի խմբագիրը։ Դա ցուց է տալիս, որ այս հայ հոգևորականը իրեն նվիրել էր հայ ժողովրդի ոչ միայն լուսավորության, նրա մտավոր զարգացման գործին, այլև կ նրա պատագրության վեհ գործին։ Շմավոնյանը,

կուտուրական շախ մեծ գործիք, հայ ժողովրդի պատագրության նկատմամբ ունեցած իր հույսները անվերապահորեն կապել էր ուսական օգնության հետ։

Այժմ մի հանգամանք պարզ է։ Հնդկահայ առաջավոր մտավորականության քաղաքական առողջությունը տեսակետները, որոնք ուշագրավ ու խոշոր երևույթ են հանդիսանում հայ կյանքում, պատմությունն արդարացրեց. դրա ցարտուն ապացուցը այսօր մենք տեսնում ենք Սովետական Միության դրոշի տակ իր քաղաքական-տնտեսական վերածնությունն ապրող Հայաստանում։ Եվ արդարեւ 1917 թվի Հոկտեմբերյան Մեծ ռւուլուցիան ոչ միայն լողմիշտ ազատագրեց հայ ժողովրդին իր գարավոր ստրկության կապանքներից, այլև նրան տվեց ազգային պետականությունն և տնտեսական ու կուտուրական ծաղկման վակատար հնարավորություն։ Դա այն հոյակապ մտահացման, գեղեցիկ ծրագրի իրականացումն է, որի մասին միայն երազել ու տենչացել են մեզնից 141 տարի առաջ ապրած մադրասաբնակի հայ հայրենասերները։

Վերջապես ընդգծենք մի կարևոր պարագաները մեզնից մոտ մեկ ու կես գր՝ առաջ հեռավոր Հնդկաստանի Մադրաս քաղաքում ապրող հայ հայրենասերները հայության պատագրության ճիշտ ուղին համարել են Ռուսաստանի հովանավորությունը, զգբախտաբար, այդ մեծ ճշմարտությունը ու կարևոր հանգամանքը չեն կարողացել ըմբռնել մեր վերջին հինուամյակի պատմության որոշ քաղաքական գործիչներ ու կուսակցություններ։ Ահա թե ինչու հնդկահայերի, գլխավորապես մադրասահայերի, մղած պատագրական պայքարը կազմում է հայ քաղաքական պարագաներության ուղագրակ էջերից մեկը։

Մրանք են ահա հասարակական բնույթի կրող այն բոլոր կարևոր երևույթները, որոնք 1806 թվականին Մադրասում հրատարակված «Անցի կամ գործք» խորագրով տեսրակի բովանդակությունն են կազմում։ Հենց այս բովանդակած երևույթներն էլ արժեքավորում են գորույկը, որը, իր մեջ շոշափված խնդիրներով, ուղուցն տեղ է գրալում ոչ միայն Մադրասի, այլև հայ քաղաքական գրականության մեջ։

